



---

Regionalni centar Tuzla

Na osnovu člana 16. stav (1) Zakona o postupku prinudne naplate indirektnih poreza ("Službeni Glasnik BiH", broj 89/05), člana 78. i 82. Pravilnika o provođenju Zakona o postupku prinudne naplate indirektnih poreza ("Službeni Glasnik BiH", broj 21/06), radi namirenja duga prodajom zaplijenjenih vozila, Uprava za indirektno-neizravno oporezivanje, Regionalni centar Tuzla, Odsjek za pružanje usluga, Grupa za prinudnu naplatu indirektnih poreza najavljuje

### JAVNU AUKCIJU

koja će se održati dana 16.02.2012. godine u prostorijama Uprave za indirektno oporezivanje, RC Tuzla, na adresi Mitra Trifunovića uče br. 161, Tuzla, sa početkom u 11 sati.

#### **Predmet prodaje:**

1. Teretno motorno vozilo marke Volvo, tip BH12 42, radne zapremine 12000 ccm, godina proizvodnje 2005, početna prodajna vrijednost 39.206,91 KM,
2. Priključno vozilo-prikolica marke Schwarzmueller, tip TPA2/ZJ, godina proizvodnje 2005, početna prodajna vrijednost 18.512,55 KM.

Početna prodajna cijena utvrđena je komisijskom procjenom stručnjaka Uprave za indirektno oporezivanje. Nominalna vrijednost svake ponude (povećanje prodajne cijene) na aukciji ne može biti manja od 50,00 KM u odnosu na prethodnu ponudu.

#### **Uslovi učešća i prodaje:**

Pravo učešća na aukciji imaju sva pravna i fizička lica, koja prije početka aukcije, na blagajni RC Tuzla ili Odboru za prodaju polože depozit u iznosu od 10% od početne vrijednosti imovine za koju su zainteresovani. Aukcija se poništava ako dug, naknadni teret prinude, troškovi pljenidbe i zatezne kamate budu plaćeni prije otvaranja aukcije.

Lica zaposlena u bilo kojoj organizacionoj jedinici Uprave za indirektno oporezivanje kao i njihovi srodnici do trećeg stepena krvnog srodstva ne mogu biti učesnici aukcije.

Prodaja vozila koja su predmet aukcije vrši se po principu viđeno-kupljeno, naknadne reklamacije se neće uvažiti.

Ponuđači su dužni prije početka aukcije dokazati svoj identitet ličnom kartom, putnom ispravom i ispravom o zastupanju.

Kupci na aukciji su dužni izvršiti uplatu razlike između položenog depozita i prodajne cijene u roku od 5 dana od dana održavanja aukcije, u suprotnom depozit će biti zadržan, bez prava na povrat, kao naknada za štetu prozrokovanu UIO.

Ukoliko rezultati prve aukcije ne budu zadovoljavajući, Odbor za prodaju donosi odluku o održavanju II aukcije ili direktne prodaje.

Ponuđačima na aukciji koji nisu kupili imovinu depozit će biti vraćen u gotovom novcu odmah nakon aukcije.

Početna prodajna vrijednost imovine je vrijednost bez PDV-a, a sve obaveze za kupljenu imovinu (PDV, transport i sl.) preuzima kupac. Predaja imovine kupcu vrši se nakon što isti preda dokaze o plaćanju svih obaveza proisteklih iz kupovine.

Fotografije imovine koja je predmet aukcije nalaze se na web stranici [www.uino.gov.ba](http://www.uino.gov.ba), te kod službenika Grupe za prinudnu naplatu RC Tuzla. Imovina se nalaze u krugu firme RIVA d.o.o., Carinska ispostava Tuzla i može se pogledati svakim radnim danom od 12-15 sati. Sve dodatne informacije mogu se tražiti pozivom na broj 035/300-655.

Broj: 02/6-1/II-16-108-2837-21/11  
Tuzla, 30.02.2012. godine